

四庫全書

集部

欽定四庫全書

御定全唐詩卷六百七十三

周朴

周朴字太朴吳興人避地福州寄食烏石山僧寺黃巢寇閩欲降之朴不從遂見害詩一卷

題甘露寺

層閣疊危壁瑞因

一作因成

千古名幾連楊子路獨倚潤州

城雲近銜江色鷗高背磬聲僧居上方久端坐見營營

題玄公院

院深塵自外

一作幽深  
自塵外

如佛值玄公常跡或

一作悲

非次

志門因得中衣巾離暑氣牀榻向涼風是事不逾分  
應明德同

福州

一作唐

東禪寺

甌閩

一作閩

在

一作此

郊外師院號東禪物得居來正人經

論後賢爬

一作絕

槽柳塞馬蓋地月支絃

一作筵

鶴鵲尚

一作

更巢頂誰堪舉世傳

贈大瀉和尚

大瀉清復深萬象影沈沈有客衣多毳空門偈勝金王  
侯皆作禮陸子只來吟我問師心處師言無處心

秋夜不寐寄崔溫進士

愁多難得寐展轉讀書牀不是旅人病豈知秋夜長歸  
鄉憑遠夢無夢更思鄉枕上移窗月分明是淚光

春日途中寄南巴

巴一作東崔使君

旅人遊汲汲春氣又融融農事蛙聲裏歸程草色中獨

慙出穀雨未變暖天風子玉和予去應憐恨不窮

寄處士方干

桐廬江水閑終日對柴關因想別離處不知多少山釣

舟春岸泊庭樹曉

一作晚

鶯

一作煙

還莫便求棲隱桂枝堪

恨顏

寄塞北張符

隴樹塞風吹遼城角幾枝霜凝無暫歇君貌莫應衰萬  
里平沙際一行邊鴈移那堪朔煙起家信正相離

次梧州却寄永州使君

隨風

一作雲

身不定今夜在蒼梧客淚有時有猿聲無處

無潮添瘴海濶煙拂粵山孤却憶零陵住吟詩半玉壺

贈念經僧

菴前古折碑夜靜念經時月皎

一作皓

海霞散露濃山草

垂鬼聞拋故塚禽聽離寒枝想得天花墜馨香拂白晷

董嶺水

湖州安吉縣門與白雲齊禹力不到處河聲流向西去

衙山色遠近水月光低中有高人在沙中曳杖藜

早春

良夜歲應足嚴風為變春  
遍回寒作暖通改舊成新秀

樹因馨雨

一作花  
馨霧

融冰雨泛蘋韶光不偏黨積漸煦疲

民

秋深

一作塞  
上行

柳色尚

一作正

沈沈風吹秋更深山河空遠道鄉國自鳴

砧巷有千家月人無萬里心  
長城哭崩後寂絕

一作莫  
至

如今

贈雙峰山和尚

峩峩雙髻山瀑布瀉雲間塵世自疑水禪門長去闕  
扶神松不異藏寶石俱閒向此師清業如何方可攀

贈無了禪師

不學世所惜是何無了公靈

一作雲

匡廬院

一作殿

外虎跡

亂山中晝夜必連去古今爭敢同禪情豈堪問問答更

無窮



王霸壇

即今西禪寺山南鑿井有白龜吐泉霸因之煉藥點金利濟貧民服其餘藥于

皂荚樹下

蟬蛻而去

王君上升處信首古居前皂樹即須朽白龜應亦全雲  
間猶一日塵裏已十年碧色壇如黛時人誰可仙

送梁道士

舊居桐栢觀歸去愛安閒倒樹造新屋化人修古壇晚  
花霜後落山雨夜深寒應有同溪客相尋學鍊丹

邊思

年高來遠戍，白首罷干戈。  
夜色薊門火，秋聲邊塞風。  
磧浮悲老馬，月滿引新弓。  
百戰陰山去，唯添上將雄。

哭陳庾

繫馬向山立，一枵聊奠君。  
野煙孤客路，寒草故人墳。  
琴韻歸流水，詩情寄白雲。  
日斜休哭後，一作松韻吹一作不

堪聞

宿玉泉寺

野寺度殘夏，空房欲暮。  
一作時夜聽猿不睡，秋思客先

知竹迴煙生薄山高月上遲又登塵路去難與老僧期

題赤城中巖寺

一本無  
下三字

浮世師休話晉時燈照巖禽飛穿靜戶藤結入高杉存  
沒詩千首廢興經數函誰知將俗耳來此避囂讒

塞上行

秦築長城在連雲磧氣侵風吹邊草急角絕塞鴻沈世  
世征人往年年戰骨深遼天望鄉者迴首盡霑襟

玉泉寺

寺還名玉泉澄

一作列

水亦遭賢物尚猶如此人爭

一作心

合偶然溪流雲斷外山峻鳥飛還

一作前

初日長廊下高

僧正坐禪

春宮怨

一作杜荀鶴詩

早被嬋娟誤欲妝  
臨鏡慵承恩不在貌  
教妾若為容  
風暖鳥聲碎日高花影重  
年年越溪女相憶采芙蓉

宿劉溫書齋

不掩盈窗日天然格調高  
涼風移蟋蟀落葉在離騷  
迴

筆挑燈燼懸圖見海潮因論三國志空載幾英豪

登福州南澗寺

萬里重山遠福州南橫一道見溪流天邊飛鳥東西沒

塵裏行人早晚休曉日青

一作  
泰

山當大衆連雲古塹對

高樓那堪望斷他鄉目

一作外  
一作客

只此蕭條自白頭

望中懷古

齊心樓上望浮雲萬古千秋空姓名堯水永銷天際去  
姬風一變世間平高蹤盡共煙

一作  
天

霞在大道長將日

月一作白日明從此安然寰海內後來無復謾相傾

### 昇山寺

昇山自古道飛來此是神功不可猜氣色雖然離禹穴  
峰巒猶自接天台巖邊折樹泉衝落頂上浮雲日照開  
南望閩城塵世界千秋萬古卷塵埃

### 哭李端

三年翦拂感知音哭向青山永夜心竹在曉煙孤鳳去  
劍荒秋水一龍沈新墳日落松聲小舊色春殘草色深

不及此時親執紼石門遙想淚霑襟

福州神光寺塔

良匠用材為塔了神光寺更得高名風雲會處千尋出

一作直

日月中時八面明海水旋流倭國野天文方戴

一作

載

福州城相輪頂上望浮世塵裏人心應總

一作早晚

平

福州開元寺塔

開元寺裏七重

一作層

塔遙對方山影擬齊雜俗人看離

世界

一作境

孤高僧上

一作坐

覺天低唯堪片片紫霞映不

與濛濛白霧迷心若無私羅漢在參差免向日虹西

春日秦國懷古

荒郊一望欲銷魂  
涇水縈紆傍遠村  
牛馬放多春草盡  
原田耕破古碑存  
雲和積雪蒼山晚  
煙伴殘陽綠樹昏  
數里黃沙行客路

一作路客

不堪回首思秦原

春日遊北園寄韓侍郎

灼灼春園晚色分  
露珠千點映寒雲  
多情舞蝶穿花去  
解語流鶯隔水聞  
冷酒杯中宜泛艷  
暖風林下自氤氳



仙桃不肯全開拆應借餘芳待使君

喜賀拔先輩衡陽除正字

黃紙晴空墜一緘聖朝

一作明

恩澤洗冤讒李膺門客為

閑客梅福官衙改舊衙名自石渠書典籍香從芸閣著  
衣衫囊中不用憂天旱霖雨看看屬傅巖

客州債居寄蕭郎中

松店茅軒向水開東頭舍債一裘徊窗吟苦為秋江靜  
枕夢驚因曉角催鄰舍見愁賒酒與主人知去索錢來

眼看白筆為霖雨肯使紅鱗便曝腮

贈李裕先輩

曉擎弓箭入初場一發曾穿百步楊  
仙籍舊題前進士  
聖朝新奏校書郎  
馬疑金馬門前馬  
香認芸香閣上香  
閑伴李膺紅燭下  
慢吟絲竹淺飛觴

桐栢觀

東南一境清心目有此千峰插翠微  
人在下方衝月上  
鶴從高處破煙飛  
巖深水落寒侵骨  
門靜花開色照衣

欲識蓬萊今便是更於何處學忘機

塞上

受降城必破回落隴頭移蕃道北海北謀生今始知

塞上曲

一陣風來一陣砂有人行處沒人家黃河九曲冰先合  
紫塞三春不見花

塞下曲

石國胡兒向磧東愛吹橫笛引秋風夜來雲雨皆飛盡

月照平沙萬里空

詠猿

生在巫山更向西不知何事到巴溪  
中宵為憶秋雲伴遙隔朱門向月啼

桃花

桃花春色暖先開明媚誰人不看來  
可惜狂風吹落後殷紅片片點莓苔

薛老峰

薛老峰頭三箇字須知此與石齋生直教截斷蒼苔色  
浮世人儕眼始明

弔李羣玉

羣玉詩名冠李唐投詩換得校書郎吟魂醉魄知何處  
空有幽蘭隔岸香

無等巖

建造上方藤影裏高僧往往似天台不知名樹簷前長  
曾問道人巖下來

句

古陵寒雨集高鳥夕陽明  
高情千里外長嘯一聲初

以上見張  
為主客圖

月離山一丈風吹花數苞

見吟窗  
雜錄

曉來

山鳥鬧雨過杏花稀

見優古  
堂詩話

曲者回灣鎖釣舟  
平

潮晚影沈清底遠岳危欄等翠尖

以上見海  
錄碎事

白日纔

離滄海底清光先照戶窗前

靈巖廣化  
寺見閩志

連雲天塹有

山色極目海門無鴈行  
可憐黃雀銜將去從此莊周


夢不成

咏蝶  
泉州志

見

禪是大瀉詩是朴大唐天子只三

人贈大  
為



御定全唐詩卷六百七十三

欽定四庫全書

御定全唐詩卷六百七十四

集部

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣石鴻菊

謄錄監生臣朱續曾



欽定四庫全書

御定全唐詩卷六百七十四

鄭谷

鄭谷字守愚袁州人光啟三年擢第官右拾遺歷都官郎中幼即能詩名盛唐末有雲臺編三卷宜陽集八卷外集三卷今編詩四卷

感興

禾黍不陽艷競栽桃李春翻令力耕者半一作多作賣花

人

望湘亭

湘水似伊水  
湘人非故人  
登臨獨無語  
風柳自搖春

採桑

曉陌携籠去  
桑林

一作村

路隔淮何如  
鬪百草  
睹取鳳皇

釵

悶題

落第春相困  
無心惜落花  
荆山歸不得  
歸得亦無家

中臺五題

松格一何高何人號乳毛霜天寓直夜媿爾伴閑曹

右乳毛松

賢人骨已銷墓樹幾一作榮凋正直魂如在齋心願一

招

右樗里子墓

亂前看不足亂後眼偏明却得蓬蒿力遮藏見太平

右牡丹

唐昌樹已荒天意眷文昌  
曉入微風起春時雪滿牆

右玉蕊

亂前唐昌觀  
玉蕊最盛

暴亂免遺折森羅賢達名  
末郎何所取叨繼外門榮

右石柱

外祖在南宮七轉  
名曹鑄記皆在

別同志

所立共寒苦平生同與遊  
相看臨遠水獨自上孤舟  
天澹滄浪晚風悲蘭杜秋  
前程吟此景為予上高樓

送進士盧榮東歸

灞岸草萋萋離觴我獨攜流年俱老大失意又東西  
曉楚山雲滿春吳水樹低到家梅雨歇猶有子規啼

從叔郎中誠輟自秋曹分符安陸屬羣盜倡熾  
流毒江壖竟以援兵不來城池失守例削今任  
却叙省銜退居荆漢之間頗得琴尊之趣因有

寄獻

華省稱前任何慙削一麾滄洲失孤壘白髮出重圍  
苦節翻多難空山自喜歸悠悠清漢上漁者日相依

送徐渙端公南歸

一本無渙字

青衿離白社

一作朱綬

始言歸此去應多

一作多應

羨初心

盡不違江帆和日落越鳥近鄉飛一路春風裏楊花雪

滿衣

送祠部曹郎中鄴出守洋州

為儒欣出守上路亦戎裝  
舊製詩多諷分憂俗必康  
開懷江稻熟寄信露橙香  
郡閣清吟夜寒星識望郎

送進士許彬

泗上未休兵壺闕事可驚  
流年催我老遠道念君行  
殘雪臨晴水寒梅發故城  
何當食新稻歲稔又時平

次韻和王駕校書結綬見寄之什

直應歸諫署方官別山村  
勤苦常同業孤單共感恩  
醉披仙鶴氅吟扣野僧門  
夢見君高趣天涼自灌園

祕閣伴直

祕閣鎖書深牆南列晚岑  
吏人同野鹿庭木似山林  
淺井寒蕪入迴廊疊蘚侵  
閒看薛稷鶴共起五湖心

送太學顏

一作時

明經及第東歸

平楚干戈後田園失耦耕艱難登一第離

一作喪

亂省諸

兄樹浹春江漲人繁野渡晴閑來思學館猶夢雪窗明

送進士趙能卿下第南歸

不歸何慰親歸去舊風塵灑淚慙闕吏無言

一作書

對越

人遠帆花月夜微岸水天春莫便隨漁釣平生已苦辛

送人遊邊

春亦怯邊遊此行風正秋別離逢雨夜

一作聞  
夜雨

道路向



雲州磧樹藏城近沙河漾日流將軍方破虜莫惜戲良  
籌

送人之九江謁郡侯苗員外紳

澤國尋知已南浮不偶遊  
湓城分楚塞廬岳對江州  
曉飯臨孤嶼春帆入亂流  
雙旌相望處月白庾公樓

送許棠先輩之官涇縣

白頭新作尉縣在故一作古山中  
高第能卑宦前賢尚此

風蕪湖春蕩漾梅雨晝溟濛  
佐理人安後篇章莫廢功

一作  
攻

送司封從叔員外徵赴華州裴尚書均辟

如何拋錦帳蓮府對蓮峯舊有雲霞約暫留鴻鷺蹤  
數溪秋雪岸樹谷夕陽鐘盡入新吟境歸朝興莫慵

送京參翁先輩歸閩中

解印東歸去人情此際多名高五七字道勝兩重科宿  
館明寒燒一作燭吟船兀夜波家山春更好越鳥在庭柯

贈別

南遊曾共遊相別倍相留行色迴燈曉離聲滿竹

一作笛

秋穩眠彭蠡浪好醉岳陽樓明日逢佳景為君成白頭

### 南遊

淒涼懷古意湘浦弔靈均故國經新歲扁舟寄病身  
山城多曉瘴澤國少晴春漸遠無相識青梅獨向

一作問人

### 巴賓旅寓寄朝中從叔

驚秋思浩然信美向巴天獨倚臨江樹初聞落日蟬  
衰榮悲往事漂泊念多年未便甘休去吾宗盡見憐

寄司勳張員外學士

平昔偏知我，司勳張外郎。  
昨來聞俶擾，憂甚欲顛狂。  
煙暝搔愁鬢，春陰賴酒鄉。  
江樓倚不得，橫笛數聲長。

寄邊上從事

男兒懷壯節，何不

一作河外

事嫖姚。高壘觀諸寨，全師護大

朝。淺山寒放馬，亂火夜防苗。  
下第春愁甚，勞君遠見招。

寄左省韋起居序

一作序

風神何蘊藉，張緒正當年。  
端簡爐香裏，濡毫洞案邊。  
飾

裝無雨備著述減春眠旦夕應彌入銀臺曉候宣

寄贈藍田韋少府先輩

王畿第一縣縣尉是詞人館殿非初意圖書是舊貧斫

冰泉竇響賽雪廟松春自此昇通籍清華日近一作身

寄懷元秀上人

悠悠干祿利草草廢漁樵身世堪惆悵風騷頗寂寥高  
秋期野步積雨放趨朝得句如相憶莎齋且見招

贈圓昉公

昉蜀僧僖宗幸蜀昉堅免紫衣

天階讓紫衣冷格鶴猶卑道勝嫌名出身閑覺老遲晚  
香延宿火寒磬度高枝長說長松寺他年與我期

寄題方干處士

山雪照湖水漾舟湖畔歸松篁調遠籟一作臺榭發清

輝野岫分閒一作徑漁家並掩扉暮年詩力在新一作折

句更幽微

寄獻湖州從叔員外

顧渚山邊郡溪將菴畫通遠者城郭裏一作外全在水一作處

雲中西閣歸何晚東吳興未窮  
茶香紫筍露洲迴白蘋  
風歌緩着低翠杯明蠟  
翦紅政成尋往事輟棹問漁翁

訪姨兄王斌渭口別墅

一本無王斌二字

枯桑河

一作桑河江

上村寥

一作寥

落舊田園少小曾來此悲

涼不可言訪隣多指塚  
問路半移原久歎家僮散  
初晴野薺繁客帆懸極浦  
漁網曬危軒苦澀詩盈篋  
荒唐酒滿尊高枝霜果在  
幽渚暝禽喧遠靄籠樵響  
微煙起燒痕哀榮孤族分  
感激外兄恩三宿忘歸去  
圭峰恰對門

放朝偶作

寒極放朝天欣聞半夜宣時安逢密雪日晏得待一作待高

眠擁褐同休假吟詩賀有年坐來幽興在松亞小窗前

順動後藍田偶作

時丙辰  
初夏月

小諫昇中諫三年侍玉除且

一作直

言無所

一作以

補浩歎

欲何如宮闕飛灰燼嬪嬙落里閭藍峯秋更碧霑灑望  
鑿輿

府中寓止寄趙大諫



老作含香客貧無僦舍錢神州容寄跡大尹是同年密  
邇都忘倦乖慵益見憐雪風花月好中夜便招延

峽中寓止二首

荊州未解圍小縣結茅茨強對官人笑甘一作偏為野鶴

欺江春鋪網濶市晚鬻蔬遲子美猶如此翻然不敢悲  
傳聞殊不定鑿輅幾時還俗易無常性江清見老顏夜  
船歸草市春步上茶山寨將來相問兒童競啟關

顏惠詹事即孤姪舅氏謫官黔巫舟中相遇愴

然有寄

猶子在天末念渠懷渭陽  
巴山偶會遇江浦共悲涼  
謫宦君何遠窮遊我自強  
瘴村三月暮雨熟野梅黃

訪題進士孫秦延福南街居

多病久離索相尋聊解顏  
短牆通御水疎樹出南山  
歲月何難老園林未得還  
無門共榮達孤坐却如閑

訪題進士張喬延興門外所居

平生苦節同旦夕會原東  
掩卷斜陽裏看山落

一作木

中星霜今

一作吟

欲老江海業全空  
近日文場內因君起

古風

寄南浦謫官

多才翻得罪天末抱窮憂  
白首為遷客青山繞萬州  
醉

敲梅障曉

一作晚

歌厭竹枝秋望闕懷鄉淚  
荆江水共流

李夷遇侍御久滯水鄉因抒寄懷

簪笏多年何久懸帆興甚長  
江流愛吳越詩格愈

一作邁

齊

梁竹寺晴吟遠蘭洲晚

一作晚

泊香高閣徒自任華省待

為郎

寄膳部李郎中昌符

鄴郊陪野步  
早歲偶因詩  
自後吟新句  
長愁減舊知  
靜燈微落燼  
寒硯旋生澌  
夜夜冥搜苦  
那能鬢不衰

寄前水部賈員外嵩

謝病別文昌  
仙舟向越鄉  
貴為金馬客  
雅稱水曹郎  
白鷺同孤潔  
清波共渺茫  
相如詞賦外  
騷雅一作野趣何長

寄慕容

松窗楸局穩相顧思皆凝幾局賭山果一先饒海僧覆  
圖聞夜雨下子對秋燈何日無羈束期君向杜陵

聞進士許彬罷舉歸睦州悵然懷寄

桐廬歸舊廬垂老復樵漁吾子雖言命鄉人嬾讀書煙  
舟撐晚浦雨屐翦春蔬異代名方振哀吟莫廢初

長安夜坐寄懷湖外嵇處士

萬里念江海浩然天地秋風高羣木落夜久數星流鐘

絕分宮漏螢微隔御溝遙思

一作

洞庭上葦露滴

一作

漁舟

贈文士王雄

知己竟何人

夫一作

君尚苦辛圖書長在手文學老於

身公道天難廢貞姿世

一作士一作玉

任嗔

一作真

小齋松菊靜

願卜子為鄰

贈富平李宰

夫君清且貧琴鶴最相親簡肅諸曹事安閑一境人陵  
山雲裏拜渠路雨中巡易得連宵醉千缸石凍春

贈尚顏上人

相尋喜可知，放錫便論詩。  
酷愛山兼水，唯應我與師。  
風雷吟不覺，猿鶴老為期。  
近輩推一作棲白，其如趣向卑。

贈泗口苗居士

歲宴樂園林，維摩契道心。  
江雲寒不散，庭雪夜方深。  
酒勸一作遊人飲，詩憐稚子吟。  
四郊多壘日，勉我捨朝簪。

梁燭處士辭金陵相國杜公歸舊山因以寄贈  
相庭留不得，江野有苔磯。  
兩浙尋山徧，孤舟載鶴歸。  
世

聞書讀盡雲

一作僧

外客來稀諫署搜賢急應難惜

一作借

布衣

哭建州李員外頌

令終歸故里未歲道如初舊友誰為誌清風豈易書  
雨墳生野蕨鄉奠釣江魚獨夜吟還泣前年伴直廬

哭進士李洞二首

李生酷愛賈浪仙詩長江在東蜀境內浪仙塚於此處

所惜絕吟聲不悲君不榮李端終薄宦賈島得高名  
旅奠新墳小遺孤遠俗輕猶疑隨計晚昨夜草蟲鳴



自聞東蜀病唯我獨闕情若近長江死想君勝在生  
瘴蒸丹旒溼燈隔素帷清塚樹僧栽後新蟬一兩聲

南康郡牧陸肱郎中辟許棠先輩為郡從事因  
有寄贈

末路

一作振鷲

思前侶猶

一作難

為戀故巢江山多勝境

一作景

賓主是貧交飲舫閑依帶琴堂雅結茅夜清僧伴宿水  
月在松梢

久不得張喬消息

一本題下有  
有寄二字

天末去程孤，沿淮復向吳。亂離何處甚，安穩到家無。樹  
盡雲垂野，檣稀月滿湖。傷心統村落，一作路應少舊耕夫。

題嵩高隱者居

豈易訪仙蹤，雲蘿千萬重。他年來卜隱，此景一作境願相

容。亂水林中路，深山雪裏鐘。見君琴酒樂，迴首興何慵。

趙璘

一作林

郎中席上賦蝴蝶

尋豔復尋香，似閒還似忙。暖煙沈蕙徑，微雨宿花房。書  
幌輕隨夢，歌樓誤採粧。王孫深屬意，繡入舞衣裳。

賀進士駱用錫登第

苦辛垂二紀，摧第却需蒙。  
春榜到春晚，一家榮一鄉。  
題名登塔喜，醵宴為花忙。  
好是東歸日，高槐蕊半黃。

興州東池

南連乳郡流，澗碧浸晴樓。  
徹底千峰影，無風一片秋。  
垂楊拂蓮葉，返照媚漁舟。  
鑑貌還惆悵，難遮兩鬢羞。

渠江旅思

流落徼蹉跎，交親半逝波。  
謀身非不切，言命欲如何。  
故

楚春田廢窮巴瘴雨多引人鄉淚盡夜夜竹枝歌

登杭州城

一作題杭州樟亭  
一作題樟亭驛樓

漠漠

一作故國

江天外登臨返照閒潮來

一作平

無別浦木落

見他山沙鳥晴飛遠漁人夜唱閑歲窮歸未得心逐片帆還

曲江

細草岸西東酒旗搖水風樓臺在煙

一作花

杪鷗鷺下沙

一作煙

中翠幄晴相接芳洲夜暫空何人賞秋景興與此

時同

沙苑

茫茫信馬行不似近都城苑吏猶迷路江人莫問程聚  
來千嶂出落去一川平日暮客心速愁聞鴈數聲

通川客舍

奔走失前計淹留非本心已難消永夜況復聽秋霖漸  
解巴兒語誰憐越客吟黃花徒滿手白髮不勝簪

潼關道中

白道曉霜迷，離燈照馬嘶。  
秋風滿闕樹，殘月隔河雞。  
來往非無倦，窮通豈易齊。  
何年歸故社，披雨翦春畦。

終南白鶴觀

步步景通真，門前衆水分。  
檉蘿諸洞

一作洞

合，鐘磬上清

聞。古木千尋雪，寒山萬丈雲。  
終期埽壇級，來事

一作伴

紫

陽君

題興善寺寂上人院

客來風雨後，院靜似荒涼。  
罷講蛩離砌，思山葉滿廊。  
臘

高興故疾爐暖發餘香自說匡廬側杉一作移陰半石牀

題水部李羽員外招國里居

野色入前軒脩然琴與尊畫僧依寺壁裁葦學江村自

醞

一作醒

花前酒

一作醉

誰敲雪裏門不辭朝謁遠唯要近

慈恩

信美寺岑上人

一作司空圖詩

巡禮諸方徧湘南頗有緣焚香老山一作僧寺乞食向江

船紗碧籠名畫燈寒照淨禪我來能永日蓮漏滴塔前

池上

池榭

一作樹

愜幽獨狂吟學解嘲露荷香自在

一作任

風竹

冷相敲喪志嫌孤宦忘機愛澹交仙山如有分必擬訪

三茅

遊貴侯城南林墅

常杜八九月亭臺高下風獨來新霽後閒步澹煙中荷

密

一作莎軟

連池綠柿繁和葉紅主人貪貴達清境屬隣翁

江行



漂泊病難任  
逢人淚滿襟  
關東多事日  
天未未歸心  
夜

雨荆江漲

潤一作

春雲郢樹深  
殷勤聽漁唱  
漸次

一作

入

吳音

舟次通泉精舍

江清如洛汭  
寺好似香山  
勞倦孤舟裏  
登臨半日間  
樹

涼巢鶴健巖  
響語僧閒更  
共幽雲約秋  
隨絳帳還

時谷將之

瀘州省  
拜恩地

水軒

日日狎沙禽，偷安且放吟。  
讀書老不入，愛酒病還深。  
歎後為羈一作飢，客兵餘問故林。  
楊花滿牀，席搔首度春陰。

尋陽姚宰廳作

縣幽公事稀，庭草是山薇。  
足一作縱得招碁侶，何妨著道

衣。野泉當窰落，汀鷺入衙飛。  
寺去東林近，多應隔宿歸。

梓潼歲暮

江城無宿雪，風物易為春。  
酒美消磨日，梅香著莫人。  
老吟窮景象，多難損精神。  
漸有還京望，綿州減戰塵。

咸陽

咸陽城下宿往事可悲思未有謀身計頻遷反正期凍  
河孤棹濕老樹壘菓危莫問今行止漂漂不自一作自知

長安感興

徒勞悲喪亂自古戒繁華落日狐兔徑近年公相家可  
悲聞玉笛不見走香車寂寞牆匡裏春陰挫杏花

聞所知遊樊川有寄

一本無有  
寄二字

誰無泉石趣朝下少同過貪勝覺程近愛閑經宿多片

沙留白鳥高木引青蘿醉把漁竿去殷勤藉岸莎

張谷田舍

縣官清且儉深谷有

一作自

人家一徑入寒竹小橋穿野

花碓喧春澗滿梯倚綠桑斜自說年來稔前村酒可賒

深居

吾道有誰同深居自固窮殷勤謝綠樹朝夕惠清風書  
滿閑窗下琴橫野艇中年來頭更白雅稱釣魚翁

端居

葉葉下高梧，端居失所圖。  
亂離時輩少，風月夜吟孤。  
舊疾衰還，有窮愁醉暫無。  
秋光如水國，不語理霜鬚。

郊園

相近復相尋，山僧與水禽。  
煙叢春釣靜，雪屋夜碁深。  
雅道誰開口，時風未醒一作者心。  
溪光何以報，祇有醉和吟。

郊野

一作  
野

蓼水菊籬邊，新晴有亂蟬。  
秋光終寂寞，晚醉自留連。  
野溼禾一作林中露，村間社後天。  
題詩滿紅葉，何必浣花牋。

旅寓洛南村舍

村落清明近鞦韆稚女誇春陰妨柳絮月黑見梨花白  
鳥窺魚網青帘認酒家幽棲雖自適交友在京華

杏花

不學梅欺雪輕紅照碧池小桃新謝後雙燕却來時香  
屬登龍客一作室煙籠宿蝶枝臨軒須貌取風雨易離披

水林檎花

一露一朝新簾櫳曉景分豔和蜂蝶動香帶管絃聞笈

擬春無力粧濃酒漸醺直疑風起

一作

夜飛去替行雲

### 蓼花

簇簇復悠悠年年拂漫流  
差池伴黃菊冷澹過清秋  
晚帶鳴蟲

一作

急寒藏宿鶯愁故溪歸不得憑仗繫漁舟

### 江梅

江梅且緩飛前輩有歌詞  
莫惜黃金縷難忘白雪枝  
吟看歸不得醉嗅立如癡  
和雨和煙折含情寄所思

### 荔枝

平昔誰相愛驪山遇貴妃枉教生處遠愁見摘來稀晚

一作晚

奪紅

一作江

霞色晴欺瘴日威南荒何所戀

一作戀

為

爾即忘歸

駐蹕華下同年司封員外從翁許共遊西溪久

違前契戲成寄贈

北渚牽吟興西溪爽共遊指期乘

一作承

禁馬

故事初入  
內庭恩賜

飛龍  
馬

無暇狎沙鷗縱目懷青島澄心想碧流明公非不

愛應待泛龍舟



谷自亂離

離一作亂

之後在西蜀半紀之餘多寓止

精舍與圓昉上人為淨侶昉公於長松山舊齋

嘗約他日訪會勞生多故遊宦數年曩契未諧

忽聞謝世愴吟四韻以弔之

每

一作幾

思聞淨話雨夜對禪牀未得重相見秋燈照影

堂孤雲終負約薄宦轉堪傷夢繞長松塔遙焚一炷香

投時相十韻

何以保孤危操修自

一作日

不知衆中常杜口夢裡亦吟

詩失計辭山早非才得仕

一作事

遲薄永安可履暗室豈

能欺勤苦流螢信吁嗟宿燕知殘鐘殘漏曉落葉落花

時故舊寒門少文章外族衰此生多軼軻半世足漂離

省署隨清品漁舟爽素期戀恩休未遂雙鬢漸成絲

御定全唐詩卷六百七十四

欽定四庫全書

御定全唐詩卷六百七十五

鄭谷

喜秀上人相訪

雪初開一徑師忽扣雙扉老大情相近林泉約共歸  
榮棲省署孤僻謝一作朝衣他夜松堂宿論詩更入微

夕陽

夕陽秋更好歛一作蕙蘭中極浦明殘雨長天急遠

鴻僧窗留半榻漁舸透疎篷莫恨清光盡寒蟾即照空

搖落

夜來搖落悲桑棗半空枝故國無消息流年有亂離霜  
秦聞雁早煙渭認帆遲日暮寒聲急邊軍在雍岐

西蜀淨衆寺松溪八韻兼寄小筆崔處士

松因溪得名溪吹荅松聲繚繞能穿寺幽竒不在城寒  
煙齋後散春雨夜中平染岸蒼苔古翹沙白鳥明澄分  
僧影瘦光徹客心清帶梵侵雲響和鐘擊一作激石鳴澹

烹新茗爽暖泛落花輕此景吟難盡憑君畫入京

遷客

離夜聞橫笛可堪吹鷓鴣雪冤知早晚雨泣渡江湖秋  
樹吹黃葉臘煙垂綠蕪虞翻歸有日莫便哭窮途

蔡處士

無著復

一作更

無求平生不解愁嚮蔬貧潔淨

一作淨潔

中酒

病風流旨趣陶山相詩篇沈隱侯小齋江色裏籬柱繫

漁舟

予嘗有雪景一絕為人所諷吟段贊善小筆精  
微忽為圖畫以詩謝之

贊善賢相後家藏名畫多留心於繪素得事一作在煙

波屬興同吟詠成功更琢磨愛予風雪句幽絕寫漁叢

京兆府試殘月如新月

榮落何相似初終却一般猶疑和夕照誰信墮朝寒水

木輝華別詩家一作情一作比象難佳人應誤拜棲鳥反求安

屈指期輪滿何心謂一作影殘庾樓清賞處吟徹曙鐘

看

咸通十四年府試木向榮

題中  
用韻

園林青氣動衆木散寒聲敗葉牆陰在滋條雪後榮  
欣春令早藹藹日華輕庾嶺梅先覺隋堤柳暗驚  
山川應物候臯壤起農情祇待花開日連棲出谷鶯

丞相孟夏祇薦南郊紀獻十韻

節應清和候郊宮事潔羞至誠聞上帝明德祀圓丘雅  
用陶匏器馨非黍稷流就陽陳盛禮匡國禱鴻休漸曉

蘭迎露微涼麥弄秋壽山橫紫閣瑞靄抱皇州外肅通

班序中巖錫慶優

一作中懷  
納誓憂

奏

一作  
升

歌三酒備表敬百

神柔池碧將還鳳原清再問牛萬方瞻輔翼共賀贊皇

猷

叙事感恩上狄右丞

昔歲曾投贄關河在左馮庾公垂顧遇王粲許從容

頃年

庾給事崇出守同州右丞在  
幕席谷退飛遊謁始受獎知

首薦叨殊禮全家寓近封

白樓陪寫望青眼感遭逢顧念梁間燕深憐澗底松嵐



光蓮嶽逼酒味菊花濃

同州官醞尚菊花酒

寇難旋移國漂離幾

聽蛩半生悲逆

一作道

旅二紀間門墉蜀雪隨僧蹋荆煙

逐雁衝凋零歸兩鬢舉止失前蹤得事雖甘晚陳詩未

肯慵邇來趨九仞又伴賞三峯

時大駕在華川

棲托情何限吹

噓意數重自茲儔侶內無復歎龍鍾

### 詠懷

迂疎雖可欺心路甚男兒薄宦渾無味平生粗有詩澹  
交終不破孤達晚相宜直夜花前喚朝寒雪裏追

一作隨

竹聲輸我聽茶格共僧知景物還多感情懷偶不卑溪  
鶯喧午寢山巖止春飢險事銷腸酒清歡敵手棋香鋤  
拋藥圃

一作  
圃

煙艇憶莎陂自許亨途在儒綱復振時

乾符丙申歲奉試春漲曲江池

用春  
字

王澤尚通津恩波此日新深疑一夜雨宛似五湖春泛  
濫翹振鷺澄清躍紫鱗翠低孤嶼柳香失半汀蘋鳳輦  
尋佳境龍舟命近臣桂花如入手願作從遊人

華山

峭仞聳巍巍晴嵐染近畿孤高不可狀圖寫盡應非絕  
頂神仙會半空鸞鶴歸雲臺分遠靄樹谷隱斜暉墜石  
連村響狂雷發廟威氣中寒涓涓影外白樓微雲對蓮  
花落泉橫露掌飛乳懸危磴滑樵徹上方稀澹泊生真  
趣逍遙息世機野花明澗路春蘚澀松園遠洞時聞磬  
羣僧晝掩扉他年洗塵骨香火願相依

入閣

祕殿臨軒日和鑾返正年兩班文武盛百辟羽儀全霜

漏清中禁風旗拂曙天門嚴新勦契

一作契勦

仗

一作使

入乍

一作通

承宣玉几當紅旭金鑪縱碧煙對揚稱法吏贊引

出宮鈿言動揮毫疾雍容執簿專壽山晴靄隼顙氣暖  
連延禮有鴛鴦集恩無雨露偏小臣叨備位歌詠泰階  
前

故少師從翁隱巖別墅亂後榛蕪感舊愴懷遂  
有追紀

風騷為主人凡俗仰清塵密行稱閨闈明誠動搢紳周

旋居顯重內外掌絲綸妙主蓬壺藉忠為社稷臣大儀  
牆仞峻東轄紀綱新聞善常開口推公豈為身立朝鳴

珮重歸宅典衣貧半醉看花晚中餐煮菜春晴臺隨鹿

上幽野

野一作

結

一作

僧鄰理論知清越

清越

江左詩僧孤卿待之甚厚

生徒得李頰藥香沾筆硯竹色染衣巾寄鶴眠雲叟騎

驢入室賓

咸通中舉子乘馬唯張喬跨驢  
喬詩苦道貞孤卿延於門下

近將姚監比

自姚秘監合主張風  
雅後孤卿一人而已

僻與段卿親

段少常成式與學辛  
勤章句入微孤卿為

前序葉積池邊路茶遲雪後薪所難留著述誰不秉陶鈞

喪亂時多變追思事已陳浮華重發作雅正甚湮淪宗

從今何在依棲素有因七松無影響

孤 獅植小松七本  
自號七松處士異

代對五柳先生雙淚益悲辛猶喜于門秀年來屈復伸

斑 郎孤  
卿 姪孫

登進士  
科級也

送吏

一作  
祠

部曹郎中免官南歸

高名向已求古韻古無儔風月拋蘭省江山復

一作  
桂

州賢人知止足中歲便歸休雲鶴深相待公卿不易留

滿朝張祖席半路上仙舟篋重藏吳畫茶新換越甌郡

迎紅燭宴寺宿翠嵐樓觸目成幽興全家是勝遊蓬聲  
漁叟雨蓑色鷺鷥秋久別郊園改將歸里巷修桑麻勝  
祿食節序免鄉愁陽朔花迎權崇賢葉滿溝席春歡促  
膝簷日暖梳一作扶頭道暢應為蝶一作虎時來必問牛終  
須康庶品未爽一作許漱寒流議在歸羣望情難戀自由  
小生誠淺拙早歲便依投夏課每垂獎雪天常見憂遠  
招陪宿直首薦向公侯攀送偏揮灑龍鍾志未酬

迴鑿

妖星沈雨露和氣滿京闕上將忠勲立明君法駕還順  
風調雅樂夾道序羣班香泛傳宣裏塵清指顧間樓臺  
新紫氣雲物舊黃山曉渭行朝肅秋郊曠望閑廟靈安  
國步日角動天顏浩浩昇平曲流歌徹百蠻

峽中

萬重煙靄裏隱隱見夔州夜靜明月峽春寒堆雪樓獨  
吟誰會解多病自淹留往事如今日聊同子美愁

蜀中寓止夏日自贍



展轉敲孤枕風帟信寂寥漲江垂帶竦驟雨闌芭蕉道  
阻歸期晚年加記性銷故人衰颯盡相望在行朝

試筆偶書

沙鳥與山麋由來性不羈可憑唯在一作道難解莫過

詩任笑孤吟僻終嫌巧宦卑乖慵息地怨冷澹好僧知  
華省慙公噐滄江負釣師露花春直夜煙鼓早朝時世  
路多艱梗家風免墜遺殷勤一蓑雨祇得夢中披

奔避

奔避投人遠  
漂離易感恩  
愁髯霜颯颯  
病眼淚昏昏  
孤館秋聲樹  
寒江落照村  
更聞歸路絕  
新寨截荆門

弔水部賈員外嵩

一本無  
嵩字

八韻與五字俱為時所先  
幽魂應自慰  
李白墓相連

貧女吟

塵壓鴛鴦廢  
錦機滿頭空  
挿麗春枝東  
鄰舞妓多金翠  
笑翦燈花學畫眉

席上貽歌者

花月樓臺近九衢清歌一曲倒金壺座中亦有一作半是江

南客莫向春風

一作尊前

唱鷓鴣

菊

王孫莫把比荆蒿九日枝枝近鬢毛露溼秋香滿池岸

由來不羨瓦

一作五

松高

下峽

憶子啼猿繞樹哀雨隨孤棹過陽臺波頭未白人頭白  
瞥見春風濫瀕堆

文昌寓直

何遜空堦夜雨平朝來交直雨新晴落花亂上一作花  
墀上不忍和苔蹋紫英

街西晚歸

御溝春水繞閑坊信馬歸來傍短牆幽榭名園臨紫陌  
晚風時帶牡丹香

十日一作月菊

節去蜂一作風愁蝶不知曉庭一作來還繞折殘枝自緣今

日人心別未必秋香一夜衰

鷺鷥

閒立春塘

一作  
蕙

煙澹澹靜眠寒帶雨颼颼漁翁歸後汀

沙

一作汀  
一作江洲

晚飛下

一作上

灘頭更自由

柳

半煙半雨江

一作溪

橋畔暎杏暎桃山路中會得離人無

限意千絲萬絮惹春風

下第退居二首

年來還未上丹梯且

一作止

著漁簑謝故溪落盡梨花春

又了破籬殘雨晚鶯啼

未嘗青杏出長安豪士應疑怕牡丹祇有退耕耕不得

茫一作然村落水吹殘

江宿聞蘆管

高船小童善吹

塞

一作寒

曲淒清

一作涼

楚水濱聲聲吹出落梅春須知風

月千檣下亦有葫蘆河畔人

閑題

舉世何人肯自知須逢精鑑定妍媸若教嫫母臨明鏡  
也道不勞紅粉施

曲江春草

花落江堤簇暖晚一作煙雨餘草一作江色遠相連香輪

莫輾青青破留與愁一作人一醉眠

雪中偶題

亂飄僧舍茶煙溼密灑歌一作樓酒力微江上晚來堪

畫處漁人披得一策歸

題慈恩寺默公院

雖近曲江居古寺，  
舊山終憶九華峰。  
春來老病厭迎送，  
翦却牡丹栽野松。

江上阻風

水天春暗暮寒濃，  
船閉篷窗細雨中。  
聞道漁家酒初熟，  
夜來翻喜打頭風。

淮上與友人別

揚子江頭楊柳春，  
楊花愁殺渡江人。  
數聲風笛離亭晚。



君向瀟湘我向秦

忍公小軒二首

一本題上有西蜀淨衆寺五字

松溪水色綠於松每到松溪到暮鐘閒得心源祇如此

問禪何必向雙峯

舊遊前事半埃塵多向林中結淨因一念一爐香火裏  
後身唯願似師身

淮上漁者

白頭波上白頭翁家逐船移浦浦風一尺鱸魚新釣得

兒孫吹火荻花中

興州江館

向蜀還秦計未成  
寒蛩一夜繞牀鳴  
愁眠不穩孤燈盡  
坐聽嘉陵江水聲

題無本上人小齋

寒寺唯應我訪師  
人稀境靜雪銷遲  
竹西落照侵窗好  
堪惜歸時落照時

七祖院小山

一本題上有西  
蜀淨衆寺五字

小巧功成雨薜斑  
軒車日日扣松關  
峩嶠咫尺無人去  
却向僧窗看假山

定水寺行香

聽經

一作松

看畫繞虛廊  
風拂金鑪待賜香  
丞相未來春

雪密暫偷閑  
臥老僧牀

浯溪

湛湛清江疊疊山  
白雲白鳥在其間  
漁翁醉睡又醒睡  
誰道皇天最惜閒

悶題

莫厭九衢塵土間，秋晴滿眼是南山。  
僧家未必全無事，道著訪僧心且閑。

重訪黃神谷策禪者

初塵芸閣辭

一作來

禪閣却訪支郎，是老郎我趣轉卑師。

趣靜數峯秋雪，一鑪香

別修覺寺無本上人

松上閒雲石上苔，自嫌歸去夕陽催。  
山門握手無他語

祇約今冬看雪來

贈日東鑒禪師

故國無心渡海潮  
老禪方丈倚中條  
夜深雨絕松堂靜  
一點山螢照寂寥

傳經院壁畫松

一本題上有西蜀淨衆寺五字

危根瘦盡聳孤峯  
珍重江僧好筆蹤  
得向遊人多處畫  
却勝澗底作真松

高蟾先輩以詩筆相示抒成寄酬

張生故國三千里知者唯應杜紫微

杜牧舍人贈張祐處士云可憐故國

三千里虛唱  
歌詞滿六宮

君有君恩秋後葉可能更羨謝玄暉

蟾有後宮

詞云君恩秋後  
葉日日向人疎

### 為人題

淚溼孤鸞曉鏡昏近來方解惜青春  
杏花楊柳年年好不  
不忍迴看舊寫真

### 越鳥

背

一作宿

霜南雁不到處倚權北人初聽時  
梅雨滿江春

草歇一聲聲在荔枝枝

黃鶯

春雲薄薄

一作澹澹

日輝輝宮樹煙深隔水飛應為能歌繫

仙籍麻姑乞與女真衣

失鷺鷥

野格由來倦小池驚飛却下碧江涯月昏風急何處宿

一作宿何處

秋岸蕭蕭黃蒂枝

苔錢

春紅秋紫繞池臺箇箇圓如濟世財雨後無端滿窮巷  
買花不得買愁來

蓮葉

移舟水濺差差綠倚檻風搖柄柄香多謝浣溪

一作人

不一作未折雨中留得蓋鴛鴦

蜀中賞海棠

濃澹芳春滿蜀鄉半隨風雨斷鶯人一作腸浣花溪上堪

惆悵子美無心

一作情

為發揚

杜工部居西蜀詩  
集中無海棠之題



投所知

砌下芝蘭新滿徑  
門前桃李舊垂陰  
却應迴念江邊草  
放出春煙一寸心

早入諫院二首

玉階春冷未催班  
暫拂塵衣就一作笏  
眠孤立小心還

自笑夢魂潛繞御鑪煙

紫雲重疊抱春城  
廊下人稀唱漏聲  
偷得微吟斜倚柱  
滿衣花露聽宮鶯

忝官諫垣明日轉對

吾君英睿相君賢其邦

一作

寰區未晏然明日翠華春

殿下不知何語可聞天

再經南陽

平蕪漠漠失樓臺昔日遊人亂後來  
寥落牆匡春欲暮  
燒殘官樹有花開

贈下第舉公

見君失意我惆悵記得當年落第情  
出去無慘歸又悶

花一作苑南慢打講鐘聲

春陰

推

一作携

琴當酒度春陰不解謀生祇解吟舞蝶歌鶯莫

相試

一作請

老郎心是老僧心

送張逸人

人間疎散更無人浪兀

一作泛

孤舟酒兀身蘆筍鱸魚拋

不得五陵珍重五湖春

初還京師寓止府署偶題屋壁

秋光不見舊亭臺四顧荒涼瓦礫堆火力不能銷

一作燒

地力亂前黃菊眼前開

擢第後入蜀經羅村路見海棠盛開偶有題詠

上國休誇紅杏艷

同豔一作絕

深溪自照綠苔磯一枝低帶

流鶯睡數片狂和舞蝶飛堪恨路長移不得可無人與

畫將歸手中已有新春桂多謝煙香更入

一作惹衣

次韻和禮部盧侍郎

一作郎中一本又多一極字

江上秋夕

寓懷

盧

一作望

郎到處覺風生蜀郡留連亞相情

時中儀在瀘州恩門大夫

待遇優厚

亂後江山悲庾信夜來煙月屬袁宏夢歸蘭省寒

星動吟向莎洲宿鷺

一作鳥

驚未脫白衣頭半白叨陪屬

和倍為榮

宜春再訪芳公言公幽齋寫懷敘事因賦長言

入門長恐先師在香印紗燈似昔年澗路縈迴齋處遠  
松堂虛豁講聲圓頃為弟子曾同社今忝星郎更契緣  
顧渚一甌春有味中林話舊亦潜然

讀李白集

何事文星與酒星一時鍾在一作分付李先生高吟大醉三

千首留著人間伴月明

卷末偶題三首

一卷疎蕪一百篇名成未敢暫一作便忘筌何如海日生

殘夜一句能令萬古傳

七歲侍行湖外去岳陽樓上敢題詩如今寒晚無功業

何以勝任國士知

一第由來是出身垂名俱一作為國風陳此生若不知

騷雅孤宦如何一作作近臣

讀前集二首

殷璠裁鑒英靈集頗覺同才得旨一作深何事後來高

仲武品題間氣未公心

風騷如線不勝悲國步多艱即此時愛日滿塔看古集  
祇應陶集是吾師

渚宮亂後作

鄉人來話亂離情  
淚滴殘陽問楚荆  
白社已應無故老

清江依舊繞空

一作孤

城高秋軍旅齊  
山樹昔日漁家是

盡

一作

野營牢落故居  
灰燼後黃花紫

一作綠

蔓上牆生

鷓鴣

谷以此詩得名  
時號為鄭鷓鴣

暖戲煙蕪錦翼齊  
品流應得近山雞  
雨昏青草湖邊過

花落黃陵廟裡啼  
遊子乍聞征袖濕  
佳人纔唱翠眉低

相呼相應

一作喚

湘江濶

一作遠  
又作曲

苦竹叢深春日西

燕



年去年來來去忙春寒煙暝渡瀟湘低飛綠岸和梅雨  
亂入紅樓揀杏梁閒几硯中窺水淺落花徑裏得泥香  
千言萬語無人會又逐流鶯過短牆

侯家鷓鴣

江天梅雨溼江蘼到處煙香是此時苦竹嶺無歸去日  
海棠花落舊棲枝春宵思極蘭燈暗曉月啼多錦幕垂  
唯有佳人憶南國殷勤為爾唱愁詞

雁

八月悲風九月霜  
蓼花紅澹蒂條黃  
石頭城下波搖影  
星子灣西雲間行  
驚散漁家吹短笛  
失羣征戍鎖殘陽  
故鄉聞爾亦惆悵  
何況扁舟非故鄉

水

西蜀淨衆寺五題

竹院松廊分數派  
不一作暗空清泚亦逶迤  
落花相逐去

一作向何處幽鷺一作鳥獨來無限時  
洗鉢老僧臨岸久釣

魚閒客捲綸遲晚晴一作來  
一片連莎綠悔與滄浪有舊

期

海棠

春風用意勻顏色銷得攜觴與賦詩  
穠麗最宜新著雨嬌饒全在欲開時  
莫愁粉黛臨窗嬾梁廣丹青點筆遲  
朝醉暮吟看不足羨他蝴蝶宿深枝

竹

宜烟宜雨又宜風拂水藏村復間松  
移得蕭騷從遠寺洗來疎淨見前峯  
侵階蘚拆春芽迸繞徑莎微夏蔭濃  
無賴杏花多意緒數枝穿翠好相容

荔枝樹

二京曾見畫圖中數本芳菲色不同  
孤權今來巴徼外  
一枝煙雨思無窮  
夜郎城近含香瘴  
杜宇巢低起暝風  
腸斷渝瀘霜霰薄  
不教葉似灞陵紅

錦二首

布素豪家定不看若無文

一作花

彩入時難紅迷天子帆

邊日紫奪星郎帳  
外山春水濯來雲  
雁活夜機挑處雨  
燈寒舞衣轉轉求  
新樣不問流

一作亂

離桑柘殘

文君手裏曙霞生，美號仍聞借蜀城。  
奪得始知袍更貴，著歸方覺畫偏榮。  
宮花顏色開時麗，池雁毛衣浴後明。  
禮部郎官人所重，省中別占好窠名。

蠟燭

仙漏遲遲出建章，宮簾不動透清光。  
金闈露白新裁詔，畫閣春紅正試妝。  
淚滴杯盤何所恨，燼飄蘭麝暗和香。  
多情更有分明處，照得歌塵下燕梁。

燈

雨向莎階滴未休  
冷光孤恨兩悠悠  
船中聞雁洞庭宿  
牀下有蛩長信秋  
背照翠簾新灑別  
不挑紅燼正含愁  
蕭騷寒竹南窗靜  
一局閒棋為爾留

宗人作尉唐昌官署幽勝而又博學精富得以  
言談將欲他之留書屋壁

公堂瀟灑有林泉  
祇隔苔牆是渚田  
宗黨相親離亂世  
春秋閒論戰爭年  
遠江鷺鷥來池口  
絕頂歸雲過竹邊  
風雨夜長同一宿  
舊遊多共憶樊川


為戶部李郎中與令季端公寓止渠州江寺偶  
作寄獻

退居瀟灑寄禪關高挂朝簪淨室間孤島雖一作暫留雙  
鶴歌五雲爭放二龍閒輕舟共泛花邊水野屐同登竹  
外山仙署金閨虛位久夜清應夢近天顏

重陽日訪元秀上人

紅葉黃花秋景寬醉吟朝夕在樊川却嫌今日登山俗  
且共高僧對榻眠別畫長懷吳寺壁宜茶偏賞雲溪泉

歸來童稚爭相笑何事無人與酒船



御定全唐詩卷六百七十五



欽定四庫全書

集部

御定全唐詩卷六百七十六至  
九

詳校官庶吉士臣胡 鈺

主事銜臣徐以坤覆勘

總校官知縣臣繆 琪

校對官庶吉士臣范 鏊

謄錄監生臣郝世俊

欽定四庫全書

御定全唐詩卷六百七十六

鄭谷

闕下春日

建章宮殿紫雲飄  
春漏遲遲下絳霄  
綺陌暖風嘶去馬  
粉廊初日照趨朝  
花經宿雨香難拾  
鶯在豪家語更嬌  
秦楚年年有離別  
揚鞭揮袖灞陵橋

贈劉神童

六歲及第

習讀在前生僧談足可明還家雖解喜登第未知榮時

果曾霑賜

上召於便殿親試稱旨賜以果實

春闈不挂情燈前猶惡睡

寤

一作寐

語讀書聲

速遊

江湖猶足事食宿戍輦喧久客秋風起孤舟夜浪翻鄉  
音離楚水廟貌入湘源岸濶鳧鷖小林垂橘柚繁津官  
來有意漁者笑無言早晚酬僧約中條有藥園

光化戊午年舉公見示省試春草碧色詩偶賦

是題

萋弘血染新含露滿江濱想得尋花徑應迷拾翠人窗  
紗迎擁砌簪玉妬成茵天借新晴色雲饒落日春嵐光  
垂處合看黛看時嘖願與仙桃比無令惹路塵

江際

杳杳漁舟破暝煙疎疎蘆葦舊江天那堪流落逢搖落  
可得一作謂潜然是偶然萬頃白波迷宿鷺一林黃葉送

殘

一作寒  
一作秋

蟬兵車未息年華促早晚聞吟向滄川

將之瀘郡旅次遂州遇裴晤員外謫居於此話

舊淒涼因寄二首

誰解登高問上玄謫仙

一作官

何事謫詩仙雲遮列宿離

華省樹蔭澄江入野船黃鳥晚啼愁瘴雨青梅早落中  
蠻煙不知幾首南行曲留與巴兒萬古傳

昔年共照松溪影松折溪荒僧已無今日重

一作同

思錦

城事雪銷

一作鋪

花謝夢何殊亂離未定身俱老騷雅全

休道甚孤我拜師門更南去荔枝春熟向渝瀘

次韻和秀上人長安寺居言懷寄渚宮禪者

舊齋松老別多年香

一作蓮  
又作鄉

社人稀喪

一作  
誰

亂間出寺

祇知趨內殿閉門長似在深山臥聽秦樹

一作  
句

秋鐘斷

吟想荆江夕鳥還唯恐興來飛錫去老郎無路更追攀

蜀中春日

一作  
雨

海棠風外獨霑巾襟袖無端惹蜀塵和暖又逢挑菜日  
寂寥未是探花人不嫌蟻酒衝愁肺却憶漁蓑覆病身

何事晚來微雨後

一作  
過

錦江春學

一作  
似

曲江春

遊蜀

一作蜀  
中春暮

所向

一作  
到處

明知是暗投兩行清淚語前流雲橫新塞遮

秦甸

一作  
水

花落空山入閬州不忿黃鸝驚曉夢唯應杜

宇信

一作  
起

春愁梅黃麥綠無歸處可得漂漂愛浪遊

峽中嘗茶

簇簇新英摘露光小江園裏火煎嘗吳僧漫說鴉山好

蜀叟

一作  
客

休誇鳥觜香合

一作  
入

座半甌輕泛綠開緘數

片淺含黃鹿門病客不歸去酒渴更知春味長

輦下冬暮詠懷

永巷閑吟一徑蒿，輕肥大笑事風騷。  
烟含紫禁花期近，雪滿長安酒價高。  
失路漸驚前計錯，逢僧更念此生勞。

十年春淚催衰颯，羞向清流照鬢毛。

初稿附記 覓句  
干名祇自勞苦吟

殊未補風騷，煙開水國花期近，雪滿長安酒價高，舊業  
已荒青藜，還寒江空憶白雲，濤不知春到，情何限，唯恐  
流年損鬢毛。

石城

石城昔為莫愁鄉，莫愁魂散石城荒。  
江人依舊棹舴艋。



江岸還飛雙鴛鴦  
帆去帆來風浩渺  
花開花落春悲涼  
煙濃草遠望不盡  
千古漢陽閑夕陽

蜀中三首

馬頭春向鹿頭關  
遠樹平蕪一望閑  
雪下文君沽酒市  
雲藏李白讀書山  
江樓客恨黃梅後  
村落人歌紫芋間  
堤月橋燈好時景  
漢庭無事不征蠻

夜無多

一作多無

雨曉生塵草  
色嵐光日日新  
蒙頂茶畦千

點露浣花牋  
紙一溪春揚雄宅  
在唯喬木杜甫臺  
荒絕

舊鄰却共海棠花有約數年留滯不歸人

渚遠江清碧簾紋小桃花繞薛濤墳朱橋直指金門路  
粉堞高連玉壘雲窗下斷琴翹鳳足波中濯錦散鷗羣  
子規夜夜啼巴樹一作蜀不並吳鄉楚國聞

少華甘露寺

石門蘿徑與天鄰雨檜風篁遠近聞飲澗鹿喧雙派水  
上樓一作登山僧躡一梯雲孤煙薄暮闌城沒遠色初晴渭  
曲分長欲一作憶然香來此宿北林猿鶴舊同羣

慈恩寺偶題

往事悠悠添浩歎，勞生擾擾竟何能。故山歲晚不歸去，

高塔晴來獨自登。林下聽經秋苑

一作院

鹿，江邊掃葉夕

陽僧吟餘却起雙峰念，曾看菴西瀑布冰。

石門山泉

一脉清泠何所之，縈莎漱蘚入僧池。雲邊野客窮來處，

石上寒猿見落時。聚沫統崖

一作槎

殘雪在，迸流穿樹墮。

花隨煙春雨晚，閑吟去不復。遠尋皇子陂。

渭陽樓間望

千重二華見皇州望盡凝嵐即此樓  
細雨不藏秦樹色

夕陽空照渭河流後車寧見前車覆  
今日難忘昨一作昔

日憂擾擾塵中猶一作殊未已可能疏  
傳獨能休

送田一作沈光

九陌低迷誰問我五湖流浪可悲君  
著書笑破蘓司業  
賦詠思齊鄭廣文理棹好攜三百首  
阻風須飲幾千分  
耒陽江口春山綠慟哭應尋杜甫墳

送進士吳延保及第後南遊

得意却思舊跡新銜未切

一作得

向

一作上

蘭臺吟看秋

草出關去逢見故人隨計來勝地昔年詩板在清歌幾

處郡筵開江湖易有淹留興莫待春風落

一作綻

庾

一作

瘦梅

送進士王駕下第歸蒲中

時行朝在西蜀

失意離愁春不知到家時是落花時孤單取事休言命

早晚逢人苦愛詩度塞風沙歸路遠傍河桑柘舊居移

應嗟我又巴江去遊子悠悠聽子規

作尉鄆郊送進士潘為下第南歸

一本無題  
上四字

歸去宜春春水深麥秋梅雨過湘陰鄉園幾度經狂寇  
桑柘誰家有舊林結綬位卑甘晚達登龍心在且高吟  
灞陵橋上楊花裏酒滿芳樽淚滿襟

送進士常序赴舉

丹霞照上三清路瑞錦裁成五色毫波浪不能隨

一作  
頌

世態鸞凰應得入吾曹秋山晚水吟情遠雪竹風松醉

格高預想明年騰躍處龍津春碧浸仙桃

寄獻狄右丞

逐勝偷閑向杜陵愛僧不愛紫衣僧身為醉客思吟客  
官自中丞拜右丞殘月露垂朝闕蓋落花風動宿齋燈  
孤單小諫漁舟在心戀清潭去未能

轉正郎後寄獻集賢相公

予一作干名初在德門前屈指年來三十年自賀孤危終

際會別將流涕感階緣止陪鴛鴦居清秩濫應星辰况

上玄平昔苦心何

一作無

所恨受恩多是舊詩篇

所知從事近藩偶有懷寄

官舍種莎僧對榻生涯如在舊山貧酒醒草檄聞殘漏  
花落移厨送晚春水墨畫松清睡眼雲霞仙毫挂吟身  
霜臺伏首思歸切莫把漁竿逐逸人

獻大京兆薛常侍能

一本無能字

耻將官業

一作職

競前途自愛篇章古不如一炷香新開

道院數坊人聚

一作靜

避朝車縱遊藉草花垂酒闌臥臨



窗燕拂書唯有明公賞  
新句秋風不敢憶鱸魚

寄贈孫路處士

平生詩譽更誰過  
歸老東吳命若何  
已知已凋零垂白髮  
故園寥落近滄波  
酒醒蘚砌花陰轉  
病起漁舟鷺跡多  
深入富春人不見  
閑門空掩半庭莎

獻制誥楊舍人

為郡東吳祇飲冰  
瑣闥頻降鳳

一作詔

書徵隨行已有朱

衣吏伴直多招紫閣僧  
窗下調琴鳴遠水  
簾前睡鶴背

秋燈葦陂竹塢情無限閒話一作語毘陵問杜陵

次韻酬張補闕因寒食見寄之什

柳近清明翠縷長多情右袞不相忘閒緘雖覩新篇麗  
破鼻須聞冷酒香時態嬾一作頗隨人上下花心甘一作日

被蝶分張朝稀且莫輕春賞勝事由來在帝鄉

贈宗人前公安宰君

喧卑從宦出喧卑別畫能琴又解棊海上春耕因亂廢  
年來冬薦得官遲風中夜犬驚槐巷月下寒驢嚙槿籬

孤散恨無推唱路耿懷吟得贈君詩

寄贈楊夔處士

結茅祗

一作依

約釣魚臺濺水鷓鴣去又迴春臥甕邊聽

酒熟露吟庭際待花開三

一作吳

江勝景遨遊徧百氏群

書講貫

一作論

來國步未安風雅薄可能高尚挾天才

寄同年禮部趙郎中

仙步徐徐整羽衣小儀澄澹轉中儀樺

一作花

飄紅燼趨

朝路蘭縱清香宿省時彩筆煙霞供不足綸

一作粉

闈寫

鳳訝來遲自憐孤宦誰相念禱祝空吟

一作憑

一首詩

春暮詠懷寄集賢常起居

寂寂風簾信自垂  
楊花筍籜正離披  
長安一夜殘春雨  
右省三年老拾遺  
坐看羣賢爭得路  
退量孤分且吟詩  
五湖煙網非無意  
未去難忘國士知

多情

賦分多情却自嗟  
蕭衰未必為年華  
睡輕可忍風敲竹  
飲散那堪月在花  
薄宦因循拋峴首  
故人流落向天涯

鶯春鴈夜長如此賴是幽居近酒家

感懷投時相

非才偶忝直文昌兩鬢年深一鏡霜待漏敢辭稱小吏  
立班猶未出中行孤吟馬跡拋槐陌遠夢漁竿擲葦鄉  
丞相舊知為一作非學苦更教何處貢篇章

自貽

飲筵博席與心違野眺春吟更是誰琴有澗風聲轉澹  
詩無僧字格還卑恨拋水國荷一作釣兼雨貧過長安櫻

筍時頭角俊

一作英

髦應指笑權門蹤跡獨差池

自遣

強健

一作事

宦途何足謂入微章句更難論誰知野性真

天性不扣權門扣道門窺硯晚鶯臨砌樹迸塔春筍隔

籬根朝迴何處消長日紫閣峰南有

一作省 舊村

中年

漠漠秦雲澹澹天新年景象入中年情多最恨花無語

愁破方知酒有權苔色滿牆尋

一作思

故第雨聲一夜憶

春田衰遲自喜添詩學更把前題改數聯

自適

紫陌奔馳不暫停送迎終日在郊垌年來鬢畔未垂白  
雨後江頭且蹋青浮蟻滿盃難暫捨貫珠一曲莫辭聽  
春風祇有九十日可合花前半日醒

結綬鄆郊縻攝府署偶有自詠

鶯雛寒谷士

一作七

逢春釋褐來年暫種芸自笑老為梅

少府可堪貧攝絕參軍酒醒往事多興念吟苦鄰居必

厭聞推却簿書搔短髮落花飛絮正紛紛

漂泊

槿墜蓬

一作蓬

疎池館清日光風緒澹無情鱸魚斫鱠輸

張翰橘樹呼奴羨李衡十口漂零猶寄食兩川消息未

休兵黃花催促重陽近

一作酒

何處登高望二京

弔故禮部韋員外序

一本無序字

臘雪初晴共舉盃便期攜手上春臺高情唯怕酒不滿  
長逝可悲花正開曉奠鶯啼殘漏在風帟燕覓舊巢來



杜陵芳草年年綠醉魄吟魂無復迴

漢陂

昔事東流共不迴春深獨向漢陂來亂前別業依稀在

雨裏繁

一作  
梨

花寂寞開却展漁絲無野艇舊題詩句沒

蒼苔潑然四顧難消遣祇有佯狂泥酒盃

代秋扇詞

露入庭蕪恨已深熱時天下是知音汗流浹

一作  
洽

背曾

一作  
普

施力

一作  
手

氣爽中宵便負心一片山溪從蠹損數

行文字任塵侵綠槐陰合清和後不會何顏又見尋

宣義里舍冬暮自貽

幽居不稱在長安溝淺浮春岸雪殘板屋漸移方帶野  
水車新入夜添寒名如有分終須立道若離心豈易寬  
滿眼塵埃馳鶩去獨尋煙竹翦漁竿

省中偶作

三轉郎曹自勉旃莎階吟步想前賢未如何遜無佳句  
若比馮唐是壯年捧制名題黃紙尾約僧心在白雲邊

乳毛松雪春來好直夜清閒且學禪

同志顧雲下第出京偶有寄勉

鳳策聯華是國華

顧雲若述日為鳳策聯華

春來偶未上仙槎鄉連

南渡思菰米淚滴東風避杏花吟聒暮鶯歸廟院睡消  
遲日寄僧家一般情緒應相信門靜莎深樹影斜

敷溪高士

敷溪南岸掩柴荆挂却朝衣愛淨

一作靜

名閒得林園栽

樹法喜聞兒姪讀書聲眠窗日暖添幽夢步野風清散

酒醒謫去徵還何擾擾片雲相伴看衰榮

九日偶懷寄左省張起居

令節爭歡我獨閑荒臺盡日向晴山  
渾無酒泛金英菊

漫道官趨玉筍班深愧青莎迎野步  
不堪紅葉照衰顏

羨君官重多吟興醉帶南陂一作天坡落照還

春夕一作日伴同年禮部趙員外省直

錦帳名郎重錦科一作案清宵寓直縱吟哦  
冰含玉鏡春

寒在粉傳一作柳轉仙闌月色多  
視草即應歸屬望握蘭知

道暫經過流鶯百轉和殘漏猶把芳樽藉露莎

倦客

十年五年岐路中千里萬里西復東匹馬愁衝晚

一作晚

村雪孤舟悶阻春江風達士由來知道在昔賢何必哭

途窮閑烹蘆筍炊菰米會向源

一作漁

鄉作醉翁

溫處士能畫鷺鷥以四韻換之

昔年吟醉繞江離愛把漁竿伴鷺鷥聞說小毫能縱逸

敢憑輕素寫幽竒涓涓浪濺殘菱蔓夏夏風搜

一作披

菴枝得向曉窗閑挂翫雪蕤煙艇恨無遺

駕部鄭郎中三十八丈

一作大

尹貳東周榮加金

紫谷以未泝之外恩舊事深因賀送

香浮玉陛曉辭天袍拂蒲茸稱少年郎署轉曹雖久次  
京河亞尹是優賢縱遊雲水無公事貴買琴書有俸錢  
今日龍門看松雪探春明日向平泉

敲枕

敲枕高眠日午春酒酣睡足最閒身明朝會得窮通理

未必輸他馬上人

野步

翠嵐迎步興何長  
笑領漁翁入醉鄉  
日暮渚田微雨後  
鷺鷥閑暇稻花香

偶書

承時偷喜負明神  
務實那能得庇身  
不會蒼蒼主何事  
忍飢多是力耕人

靜吟

騷雅荒涼我未一作自安月和餘雪夜吟寒相門相客應  
相笑得句勝於得好官

和知己秋日傷懷

流水歌聲共不迴去年天氣舊亭臺梁塵寂寞燕歸去  
黃蜀葵花一朵開

谷比一作州歲受同年丈人故川守李侍郎教諭

衰晏龍鍾益用感歎遂以章句自貽

多感京河李丈人童蒙受教便書紳文章至竟無功業



名宦由來致苦辛  
皎日還應知守道  
平生自信解甘貧  
孤單所得皆逾分  
歸種敷溪一畝春

郊墅

常曲樊川雨半晴  
竹莊花院徧題名  
畫成煙景垂楊色  
滴破春愁壓酒聲  
滿野紅塵誰得路  
連天紫閣獨闌情  
漾波水色澄於鏡  
何必滄浪始濯纓

舟行

九派迢迢九月殘  
舟人相語且相寬  
村逢好處嫌風便

酒到醒來覺夜寒

水一作

白波喧夏口

落日一作

柿園紅

葉憶長安季鷹可是思鱸膾引退知時自古

一作自難知時所

### 奔問三峰寓止近墅

半年奔走頗驚魂來謁行宮淚眼昏  
鴛鴦入朝同待漏牛羊送日獨歸村  
灞陵散失詩千首太華淒涼酒一樽  
兵革未休無異術不知何以受君恩

### 朝直

朝直叨居省閣間由來疎退校安閑  
落花夜靜宮中漏

微雨春寒廊下班自扣玄門齊寵辱從他榮路用機關  
孤峯未得深歸去名畫備求水墨山

巴江

時僖宗省  
方南梁

亂來奔走巴江濱愁客多於江徽人朝醉暮醉雪開霽  
一枝兩枝梅探春詔書罪已方哀痛鄉縣徵兵尚苦辛  
鬢蒼秃又驚逢歲眼前渾不見交親

故許昌薛尚書能嘗為都官郎中後數歲故建  
州李員外頰自憲府內彈拜都官員外八座外

郎皆一時騷雅宗師則都官之曹振盛於此子  
早年請益實受深知今忝此官復是正秩豈唯  
俯慰孤宦何以仰繼前賢榮惕在衷遂賦自賀

都官雖未是名郎踐歷曾聞薛許昌復有李公陪雅躅  
豈宜鄭子忝餘光榮為後進趨蘭署喜拂前題在粉牆

八座外郎於省  
中題記多在

他日節旄如可繼不嫌曹冷在中行

訪題表兄王藻渭上別業

一作  
墅

桑林搖落渭川西蓼水瀾瀾接稻泥幽檻靜來漁唱遠

暝天寒極鴈行低，濁醪最稱看山醉。  
冷句偏宜選竹題，中表人稀離亂後。  
花時莫惜重相攜。

題汝州從事廳

詩人公署如山舍，祇向堦前採薇驚。  
燕拂簾閑睡覺，落花沾硯會餐歸。  
壁看舊記官多達，榜挂明文吏莫違。  
自說小池栽葦後，雨涼頻見鷺鷥飛。

谷初忝諫垣，今憲長薛公。方在西閣知，  
獎隆異以四韻代述榮感。

舊詩常得在高吟，不奈公心愛苦心。道自瑣闈言下振，

舍人於閣下衆中  
與歎頃年篇什

恩從仙殿對迴深

谷累陪舍人轉對  
偶免班儀舍人深

以知

流 年漸覺霜欺鬢，至藥能教土化金。自拂青萍知

有地齋誠旦夕望，為霖

兵部盧郎中光濟借示詩集以四韻謝之

一本  
題中

無光濟  
二字

七

一作  
七

子風騷尋失主

一作  
五

君歌誦久無聲，調和雅

樂歸時正澄瀨，頽波到底清。才大始知寰宇窄，吟高何

止鬼神驚葉公好尚渾踈濶忽見真龍幾喪明

賀左省新除常拾遺

初昇諫署是真仙浪透桃花恰

十一作

五年垂白郎官居

座末著緋人吏立階前百寮班列趨丹陛兩掖風清上  
碧天從此追飛何處去金鑾殿與玉堂連

右省張補闕茂樞同在諫垣連居光德新春賦

詠聊以寄懷

小梅零落雪欺殘浩蕩窮愁豈易寬唯有朗吟償晚景

且無濃醉

一作酒

厭

一作歷

春寒高齋每喜追攀近麗句先

憂屬和難十五年前語

一作諧

苦節知心不獨為同官

右省補闕張茂樞同在諫垣鄰居光德迭和篇  
什未嘗聞時忽見貽謂谷將來屐歷必在文昌  
當與何水部宋考功為儔谷雖賦於風雅實用  
兢惶因杼酬寄

何宋清名動粉闈不才今日偶陳詩考功豈敢聞題品  
水部猶須繫挈維積雪巷深酬唱夜落花牆隔笑言時



紫垣名士推揚切為話心孤倍感知

紫微薛公獎譽頗深補袞即紫微中

表嘗傳重旨故有此句

### 寄職方李員外

曾袖篇章謁長卿今來附鳳事何榮星臨南省陪仙步

春滿東朝接珮聲

員外攝事儲宮谷忝獲攀接

談笑不拘先後禮歲

寒仍契子孫情龍墀仗下天街暖共看圭峰並馬行

### 寄題詩僧秀公

靈一心傳清塞心可公吟後楚公吟近來雅道相親少

唯仰吾師所得深，好句未停無暇日。  
舊山歸老有東林，冷曹孤宦甘寥落。  
多謝攜筇數訪尋。

東蜀春晚

如此浮生更別離，可堪長慟送春歸。  
潼江水上楊花雪，剛逐孤舟繚繞飛。

永日有懷

能消永日是擣菹，坑塹由來似宦途。  
兩擲未終一作離捷

擣

一作捷

內座中何

一作可

惜為呼盧

槐花

毵毵金蕊撲晴空舉子魂驚落照中今日老郎猶有恨

昔年相虐

一作謔  
又作戲

十秋風

小桃

和煙和雨遮敷水映竹映村連灞橋

一作陵

撩

一作掩

亂

一作

弄春風耐寒令到頭贏得杏花嬌

一作憎

長江縣經賈島墓

水繞荒墳縣路斜耕人訝我久咨嗟重來魚恐無尋處

落日一作落風吹鼓子花

嘉陵

細雨溼萋萋人稀江日西春愁腸已斷不在一作待子規

啼

中秋

清香聞曉蓮水國雨餘天天氣正得所客心剛悄然亂  
兵何日息故老幾人全此際難消遣從來未學禪

朝謁

捧日整朝簪，千官一片心。  
班趨黃道急，殿接一作紫宸。

深威鳳迴香，衣新鶯轉上林。  
小松含瑞露，春翠易成陰。

武德殿前  
新栽小松

### 錦浦

流落夜淒淒，春寒錦浦西。  
不甘花逐水，可惜雪成泥。  
病眼嫌燈近，離腸賴酒迷。  
憑君囑鴨鴟一作鴟鴞，莫向五更啼。

### 峨嵋山

一作雪

萬仞白雲端，經春雪未殘。  
夏消江峽滿，晴照蜀樓寒。  
造

境知僧熟歸林認鶴難會須朝一作上闕去祇有畫圖看

蜀江有弔

僖宗幸蜀時田令孜用事左拾遺孟昭圖疏論之令孜矯詔嘉州司戶使

人沈之墓頌津事見令孜傳

孟子有良策惜哉今已而徒將心體國不識道消時折檻未為切沈湘何足悲蒼蒼無問處煙雨徧江離

書村叟壁

草肥朝牧牛桑綠晚鳴鳩列岫簷前見清泉碓下流春蔬和雨割社酒向花籬引我南陂去一作臨水離邊有小舟

題進士王駕郊居

前山微有雨，永巷淨無塵。  
牛卧籬陰晚，鳩鳴村意春。  
時浮應寡合，道在不嫌貧。  
後徑臨陂水，菰蒲是切鄰。

題莊嚴寺休公院

秋深庭色好，紅葉間青松。  
病客殊無著，吾師甚見容。  
疎鐘和細溜，高一作孤塔等遙峰。  
未省求名侶，頻於此地逢。

題興善寺

寺在帝城陰，清虛勝二林。  
蘚侵隋畫暗，茶助越甌深。  
巢

鶴和鐘唳詩僧倚錫吟煙莎後池水前跡杳難尋

十才子詩

集多有興善寺後池之作  
今寺在池無每用追歎

### 宿澄泉蘭若

山半古招提空林雪月迷亂流分石上斜漢在松西雲

集寒菴宿猿先曉磬啼此心如了了即一作到此是曹溪

### 送舉子下第東歸

夫子道何孤青雲未得途詩書難捨魯山水暫遊吳野  
綠梅陰重江春浪勢麤秣陵兵後後舊業半成蕪



寄察院李侍御文炬

古柏間疎

一作松

篁清陰在印牀宿郊虔點饌秋寺靜監

香參集行多揖

一作攝

風儀見即莊佇聞橫擘

一作臂

去帷

集諫書囊

偶懷寄臺院孫端公祭

才拙道仍孤無何捨釣徒班雖沾玉筍香不近金爐雨  
露簷雙闕煙波隔五湖唯君應見念曾共伏青蒲

谷舊與端

公同在  
諫垣

次韻和秀上人遊南五臺

一作司空圖詩

中峰曾到處題記沒蒼苔振錫傳深谷翻經想舊臺蒼  
松臨砌偃驚鹿驀溪來內殿評詩切師以文章應制身迴心未  
迴

乖慵

乖慵居竹裏涼冷卧池東一霎芰荷雨幾迴簾幕風遠  
僧來扣寂小吏笑書空衰鬢霜供白愁顏酒借紅扇輕  
搖鷺羽屏古畫漁翁自得無端趣琴碁舫子中

南宮寓直

寓直事非輕宦孤憂且榮制承黃紙重詞見紫垣清曉

霽庭松色風和禁漏聲僧

一作曾

攜新茗伴吏

一作更

掃落

花迎鎖印詩心動垂簾睡思生粉廊曾試處

直事稍暇即於都堂

四廊下尋項年試所  
題名記至今多在

石柱昔賢名來誤宮窗燕啼疑苑

樹鶯殘陽應

一作暗

更好歸促

一作速

恨

一作限

嚴城

恩門小諫雨中乞菊栽

握蘭將滿歲栽菊伴吟詩老去慵趨世朝迴獨統籬遮

香風細細澆綠水瀰瀰祗共山僧賞何當國士移孤根  
深有託微雨正相宜更待金英發憑君插一枝

荆渚八月十五夜值雨寄同年李嶼

共待輝

一作清

光夜翻成黯

一作暗

澹秋正宜清路望潛起

滴堦愁掉倚袁宏渚簾垂庾亮樓桂無香實落蘭有露  
花休玉漏添蕭索金尊阻獻酬明年佳景在相約向

一作

會又  
作在神州

寄左省張起居

含香復記言清秩稱當年點筆非常筆朝天最近天家

聲三相後公事一人前詩句江郎伏書蹤甯氏傳

起居  
今太

師盧公宅相  
傳授書法

風標欺鷺鶴才力湧沙泉居僻貧無慮名

高退更堅漁舟思靜泛僧榻寄閒眠消息當彌入絲綸  
的粲然依棲常接跡屬和舊盈編開口人皆信淒涼是

謝璣

谷在舉場時與  
起居有恩也

前寄左省張起居一百言尋蒙唱酬見譽過實

却用舊韻重答

減瘦經多難憂傷集晚年吟高風過樹坐久夜涼天旅  
退慙隨衆孤飛怯向前釣朋簑叟在藥術衲僧傳鬢禿  
趨榮路腸焦鄙盜泉品徒誠有隔推唱意何堅寒地殊  
知感秋燈耿不眠從來甘默爾自此倍怡然蘭為官須

握蒲因學更編預愁搖落後子美笑無羶

杜工部贈鄭  
廣文詩云科

名四十年座  
客寒無羶

讀故許昌薛尚書詩集

篇篇高且真真為國風陳澹薄雖師古縱橫得意新翦

裁成幾篋

一作帳 述作公篇 近世詩人

唱和是誰人華岳題無

敵黃河句絕倫

華岳黃河二詩序云此皆二京之內巨題目也

吟殘荔枝雨詠

徹海棠春

公有海棠荔枝二首序云此子美老於兩蜀而無此詠

李白欺前輩

公有

寄符郎中詩云我生若在開元日爭遣名為李翰林

陶潛仰後塵

公有論詩一章云李白終無取

陶潛固不刊

難忘嵩室下

公有嵩山巨篇

不負蜀江濱

公嘗從事蜀中著江干集

屬思看山眼冥搜倚樹身楷模勞夢想諷誦爽精神落  
筆空追愴曾蒙借斧斤

御定全唐詩卷六百七十六